


Инсоф аҳлининг эътирофлари



17:16 / 28.09.2022 2657

Мавлид ойи кириб келиши билан мухлис мўмин-мусулмонларда Ҳабибимиз Муҳаммад соллаллоҳу алайҳи ва салламга муҳабbat, шавқ ва туйғулар ўз-ўзидан қайта жонланади. Ушбу инсоний ва иймоний жараён турткиси билан, вазиятдан унумли фойдаланиш маъносида бу ойда Жанобимизни янада кўпроқ эслаш, шавқлар изҳор қилиш, у зотни янада яқинроқдан таниш ҳаракатлари бутун Ислом оламида турли кўринишларда жонланади.

Мавлид йиғинлари ҳам ана ўша тадбирлардан бири ўлароқ майдонга келган.

Islom.uz портали жамоаси ҳам ушбу анъанага содик қолиб, ҳар йили мавлид ойига янги лойиҳалар, маърифий тадбирлар олиб боришга интилиб келади.

Устозимиз шайх Мұхаммад Содиқ Мұхаммад Юсуф раҳматуллоҳи алайҳ бошлаб берган бу хайрли иш бугун ҳам давом этаётгани қувонарлы ҳолдир. Бу йилги сийрат ойига бағишиланған илмий ҳаракатлар зимнида янги бир лойиҳани сиз азизларга тақдим қылмоқчимиз. У ҳам бўлса – номусулмон мутафаккир ва арбобларинг Расулуллоҳ соллаллоҳу алайҳи ва саллам ҳақларида айтган сўзларидан лавҳалар тақдимиdir. Умид қиласизки, бу битиклар азиз ўқувчиларимизда ижобий таассурот қолдиради.

Мұхаммад соллаллоҳу алайҳи ва саллам банду башарнинг саййиди, инсониятнинг фахри бўлганларига асло шубҳа йўқ. Бунга тарих ҳам гувоҳдир. Аслида у зотнинг буюкликларига Аллоҳ таолонинг каломи, ваҳийси етарли далил. У зотнинг сўнгги пайғамбар эканларига, рисолатлари чин эканига ақлий ва нақлий далиллар ортиғи билан бор. Бироқ «Сени душманингнинг эътирофи баҳолайди», деганларидек, Расулуллоҳ соллаллоҳу алайҳи ва салламга иймон келтирмаган, у зотнинг динини қабул қылмаган, керак бўлса, у зотга ва у зот келтирган динга душман бўлган кишиларнинг у зот ҳақларидағи эътирофлари алоҳида аҳамиятга эга.

Хусусан, бундай эътирофлар мусулмон юртларда моддий тараққиёт, илм-фан туфайли Ғарбга тобе бўлиб қолган кишиларга янада кучлироқ таъсир қиласиди. Бу билан уларга ўзлари эргашган кишиларнинг сўзларидан мавзуга оид ҳужжат келтирилган бўлади. Бу эса, ўз навбатида, ҳақни етказишда муҳим таъсирга эга услублардан биридир.

Бугунги ижтимоий тармоқларнинг талаблари, одамларнинг қизиқишлидан келиб чиқиб, битикларни алоҳида лавҳаларда, имкон қадар бу эътирофларни айтган кишиларнинг суратлари билан бойитилган ҳолатда тақдим этиб борилади. Бу ишда хизмат кўрсатган кишиларга холис дуоларингизни умид қилиб қоламиз.

Ҳасанхон Яҳё Абдулмажид